

Удмуртиысь архивъёслы – 100 ар

История понна дуно

Туэ Удмуртиысь архивъёслэн службазы 100 аръем юбилейзэ пусъе. 1923-тй арын 2-тй октябре Вотка Облисполкомлэн президиумез архивной бюро кылдытон сярысь решение кутиз.

Удмуртиысь архив кылдытысьёс пöлысь пусъёно Облисполкомын ужасьёсты И. Поздеевез, А. Галановез. Соос котькуд документэн туж чакласькыса ужазы: историлы, архиве кельтон понна, экспертиза пыр потытэк, одйг решение но, одйг документ но быдтэмын ой вал.

Архивлы Ижкарись Советъёслэн юртазы инты висьямын вал: татчы вайылызы пöртэм учреждениосысь, черкъёсысь, Ижысь заводъёсысь документъёсты.

Туж бадзым уж нуэмын Россиысь научной обществоен кусып тупатон понна, малы ке шуоно тодосчиос удмурт культураез эскеронын юрттыны кулэ вал. Пöртэм черкъёсысь архивъёсын удмуртъёсты христианской осконэ берыктон пумысен трос документъёс кылемын, кылсярысь, метрической книгаос, духовной росписьёс... Соос ваньмыз Вотской областной архивной бюрое сётэмын вал.

1925-тй-1926-тй аръёсы история понна тунсыко документъёсты люканы

АНКЕТА
Пролетария всех стран, соединяйтесь!

КАНДИДАТА ПАРТИИ, ВСТУПАЮЩЕГО В ЧЛЕНЫ
КОМПАРИИ СОВЕТСКОГО СОЮЗА

Первичная парторганизация Заводской районской парторганизации № 300000
район, город Ижевск (название аббревиатуры, кулэ потэ вал)

1. Фамилия Алашников Имя Александр Отчество Александрович
2. Пол м 3. Год и месяц рождения 1919 XI 4. Национальность русский 5. Родной язык русский
6. Место рождения село Пуроз, Вотка уезды, Вотская губерния
7. Занятие родителей { а) до 1917 г. посельские середники
{ б) после 1917 г. в Пурозе с 1929 г. Ожигин в 1932 г. в Ижевске с 1934 г. в Вотке с 1936 г.
8. Время вступления в кандидаты июнь 1936 г. Ижевск
9. Соц. положение Средний рабочий 10. Пребывание в ВЛКСМ с 1936 по 1941 г. 11. Образование — в каких учебных заведениях учились, где, когда, окончили ли Октябрьская средняя школа в 1936 г. в селе Пуроз Вотка уезды Вотская губерния
12. Где учится в настоящее время в партия школе Ижевск в XIX секции
13. Основная профессия и специальность { а) по образованию не имею стаж лет
{ б) по опыту работы посельский середник стаж 12 лет
14. Род занятий с начала трудовой деятельности:

С какого времени (м-ч, год)	По какое время (м-ч, год)	Название местности (село, город, район, обл., край, республика)	Название предприятия, учреждения	Род занятий или должность
X 1936	XI 1936	Пурозский уездный округ	Посельский середник	Середник
XI 1936	II 1939	Ижевск	Ижевский завод	Средний рабочий
XI 1939	XI 1940	С. Петропавловское Урало-Камского края	Ижевский завод	Средний рабочий
XI 1940	VI 1941	Ижевск	Завод им. Ворошилова	Средний рабочий
VI 1941	VI 1941	Ижевск	Ижевский завод	Средний рабочий
VI 1941	XI 1941	Ижевск	Ижевский завод	Средний рабочий
X 1941	VI 1942	Ижевск	Ижевский завод	Средний рабочий
VI 1942	II 1949	Ижевск	Ижевский завод	Средний рабочий
II 1949	VI 1950	Ижевск	Ижевский завод	Средний рабочий

Асьме архивын утиське Михаил Калашников конструкторлэн партие пырыкуз лэсьтэм анкетаез.

кутскизы быдэс Удмурт шаерын — Глазов, Ижкар, Можга уездъёсын кылдэмын уездной архивной бюроос. Трос шуг-секытёс пыр потызы архив понна кыл кутисьёс. Глазовысь архивариус А. Никифоров гожтэ: «Архивной материалъёс Глазовын гинэ 1 сюрс пудлэсь трос. Соос В. Г. Короленко нимо библиотекалэн сигаза но, складаз но... Таркамын, сурамын...»

1920-тй-1930-тй аръёсы уездной архивъёс быдтэмын вал. Вань документъёс Вотской областной архиве келямын. Та вакытэ ик ёросъёсын

архивъёс кылдытыны кутскизы. Соос документъёсты люкало но областной архиве келяло вал. 1935-тй арын архивъёс вал ни Глазовын, Можгабын, Дэбесын, Сьёлталан.

1930-тй арын Россиысь вань архивъёс югдурез утисьёслы сётэмын вал. Удмуртиысь архив но НКВД-лэн ведомствоез луиз. 1940-тй арын Центральной государственной архив (ЦГА) кылдиз. Татчы вайылызы быдтыны лэзьымтэ (постоянного срока хранения) документъёсты.

1943-тй арын ЦГА-лэн вал ни Сарапулын филиалез, 3 городъёсын архивез (Воткабын, Ижын, Сарапулын), 2 районно-городской архивез (Глазовын но Можгабын), 35 — районной.

1950-тй аръёсы архивъёсысь куд-ог документъёсты калыклы шараязы. Табере учёнойёслы но архивысь документъёсын ужаны луонлык кылдиз. Озы 1956-тй-1959-тй аръёсы поттэмын вал 3 архивной сборник: «Революция 1905-1907 гг. в Удмуртии», «Октябрьская социалистическая революция в Удмуртии 1917-1918 гг.», «Трудящиеся Удмуртии в борьбе с Колчаком».

1962-тй арын архивлэн структураз 2 филиал (Глазовын но Сарапулын), 5 кар (городской) но 24 ёрос архивъёс вал.

1991-тй арысен кар но ёрос архивъёс документъёсты ас доразы возыны кутскизы.

1990-тй-2000-тй аръёсы Удмурт шаермылэн историез сярсь пöртэм сборникъёс поттэмын вал: «Справочник по административно-территориальному делению Удмуртии 1917-1991 гг.», «История городов Удмуртии», «Хрестоматия по истории Удмуртии. Документы и материалы. 1136-2007 гг.» но мукетъёсыз.

Туала вакытэ архивъёс азе но пунктэмын ужпум: вань документъёсты цифрае

поттоно. Озы улонэ пычалло пöртэм проектъёс, архивысь документъёс калыклы матэ-гес луо. «Доступная генеалогия» проект улсын 2019-тй-2021-тй аръёсы оцифровать каремын вал метрической книгаос, 1897-тй арын орточем Российской империиысь нырысетй переписьлэн материалъёсыз, духовной росписьёс, загс документъёс. Та но мукет материалъёсын тодматскыны луэ **udmkorni.ru** сайтын, отчы поттэмын 1777-тй-1924-тй аръёсысь 13 сюрслэсь ятыр делоос.

2021-тй арын архивной службаын вьльдиськон орточиз — 3 кун архивъёс огазьямын вал. Туннэ нуналлы Удмуртиын ужа Удмуртиысь шор кун архив.

Али Удмуртиысь архивъёсын утисько 5 миллионлэсь трос делоос, соос пöлысь 40 сюрслэсь тросэз лыдъясько уката дуно (особо ценными), 24 документ нокытын уг пумиськылы ни, кылсярысь, П. И. Чайковскийлэн вордиськемез сярсь метрика, М. Т. Калашниковлэн партия пыремез сярсь запись.

Архиве араз ог 60 сюрс адымилэсь ужан стажзэ тодон сярсь запрос вуэ. Котькуд запрослы архивын ужасьёс валэктон гожто.

Ольга ВЕТОШКИНА,
Удмуртиысь шор кун архивын ужась

Адзытон Суредьёсыз пичи дыре вутто

26-тй куарусёнэ Удмуртиысь Йёскалык библиотекаын Россия Федерациясь дано суредасьлэн Александр Шиловлэн «Наша Родина Россия» адзытонэз усьтиськиз. (0+)

Александр Александрович Удмуртие 17 ужзэ ваем, ваньмаз ик суредьёсаз возьматэмын Россилэн пöртэм сэрэгъёсысьтыз инкуазь. Ужрадэз усьтыса, куноосты шулдыртиз калык кырзантая но эктонья «Айкай» театр.

Александр Шиловен чöш Удмуртие вуылиз тодмо актёр Владимир Торсуев. Со «Приключения Электроника» фильмын Электроникез шудэмын.

— Шумпотыса лыкты Удмурт Элькунэ, кемалась



Александр Шиловлэн «Сизык крезьгур» суредэз.

татчы вуылэм потэ ни вал. Александр Шиловлэн суредьёсыз сярсь верано ке, шоразы учкыса, пушказы пырем потэ, — шуэ актёр. — Куд-огзэ адзыса, чорыганы я пыласькыны мылкыд

жүтске, мукетысьтыз чылкыт вузэ верьям потэ. Суредьёсызлэсь сюлэмын шуньт луэ, пичи дыре вуиськод кадь.

Адзытонлэн усьтиськемынз жечкыланы вуылызы

Россиысь Кун Думалэн представителез Байсолт Хамзатов, Удмуртиысь культура министр Владимир Соловьёв, «Удмурт Кенешлэн» кивалтисез Андрей Ураськин, Йёскалык библиотекалэн директорез Татьяна Тензина но мукетъёсыз.

— Мыным удалтиз дышетисьёсын, — вераз Александр Александрович, — нырысь ик со атае — СССР-ысь калык художник Александр Максович Шиллов. Суредась эшгёсыныз люкасько вал, мар ке сярсь кенешо, нош мон, пичи маке, ваньзэ пелям поныны тыршылы. Туж потэ вылэм, пинальёс, суредьёсы шоры учкыса, мед синмаськозы Россилы, мед данъялозы но яратозы Атыкай музъемзэс.

Пумиськон пумын Александр Шилов котькуд суредзэ сярсь вакчияк вераз. Кылсярысь, «Звучание осени» картина кисточкаосын буямын öвөл — чиньюсын, нош «Храм Тихвинской иконы Божией Матери» суредэмын 2013-тй арын гужем, пöсь шунды улын. Та черке Шиловьёс быдэс семьяенызы арнялы быдэ сямен ветло.

Президент Владимир Путин но, Москваысен адзытоназ вуылыкуз, вылы дуньям Александр Шиловлэсь суредьёсэ.

Йёскалык библиотекалэн 2-тй этажаз «Наша Родина Россия» адзытон ужалоз 16-тй коньвуонозъ.

Татьяна ИЛЬИНА